

شرقی آذربایجاندا تاریخی مسجیدلر و کلیسالار تعمیر اولور

شرقی آذربایجانین فرهنگی تاریخی اثرلرین ثبت شوراسی نین رئیسی دئدی: باستانشیناسلیق تحقیق‌لری گؤرسه‌دیر کی شرقی آذربایجاندا 7500 ایل قاباقدان تمدون آثاری وار.

فارسی‌ن تبریزدن وئردیگی گوزارشه گؤره، تراب محمدی تبریزین مۇحرم‌لیق موزه‌سیندن گؤروش ائندنه خبرنیگارلار جمعینده جاری ایلده تعمیر اولموش مسجیدلره ایشاره ائدیپ دئدی: اوستانین بوتون تاریخی بینالارین احیاسی ایقدام الینده اولسا دا مذهبی یئرلر و تاریخی مسجیدلرین تعمیرى بیرینجی یئرده‌ایدی و بو آرادا آیری دینلر ده یاددان چیخماییب و کلیسالاری‌دا تعمیر ائدیریک. او شرقی آذربایجان تورپاقلاری‌نین تاریخینه ایشاره ائدیپ آرتیردی: باستانشیناسلیق تحقیق‌لر گؤرسه‌دیر کی شرقی آذربایجاندا 7500 ایل قاباقدان تمدون آثاری وار و بعضی نظرلره گؤره قورآندا ایشاره اولان «راس» قومو آراز چایینا و اوردا یاشایان قوملارا ایشاره ائدییر. محمدی آرتیردی: بو تاریخی قیدمت چوخلی تاریخی اثرلره شامل اولور کی بو آرادا اوستاندا 200 –دن چوخ تاریخی مسجید وار و اثرلرین هامیسی ایندیجه‌ن تعمیر اولوب و یا تعمیر حالیندادیلار. شرقی آذربایجانین فرهنگی میراث، ال ایشلری و توریزمین مودیر کوئی، بونو دئماغینان کی اوستانداکی تاریخی مسجیدلرین قیدمتلری سلجوقلار، ایلخانلیلار و قاجارلار عصرینه قاییدییر، دئدی: اوستانداکی قدیم مسجیدلرده مخصوص عظمت وار و معمارلیقلارینا گؤره اونلاردا معنویت روحی جریان‌دایر و بیز گرک بو میراثی ساخلایاق. او مسجیدلرده‌کی طاقلار، گونبدلر و اونلارین مخصوص رنگلرین، مسجیدلرده بیر رنگلیق و وحدته باعیث اولماقلارینی بیلیپ دئدی: شهرستانلارین جومعه مسجیدلرینده تعمیر ائله‌ماغی‌نین‌دا مخصوص یئری وار و بو آرادا شبستر، سراب، شرفخانا، اهر، هشتری مسجیدلری تعمیر حالیندادیر.